

VACQUIER (Anthoine), notaire de Montauban, minutes 1579, Archives départementales de Tarn-et-Garonne, cote 5 E 1521, PH/MCAS/11/COM20211220.

Ce jourdhuy **vingt uniesme** du mois de **mars**
mil cinq cens soixante neuf en la ville de
mo(n)tauban en quercy regnant nostre souverain prince
henry par la grace de dieu roy de france et
de poloigne par devant moy not(aire) royal et tesmoings
bas nommes c est presente m(aître) **hugues vachier**
procureur en la seneschaucee de quercy au siege
de mo(n)tauban po(ur) et au nom de **guilhaumete dubosc**
comme **mere** et tutesse de **jehan** et **ysac canazilles**
filz et heretiers de **feu anthoine canazilles** quand
vivoict merchant dud(it) mo(n)tauban a luy acistant qui
dressant ses parolles a **guillaume dubosc son**
frere auquel a remonstre qu()elle auroit faict
appeler d()autorite du juge ordinaire de quercy
aud(it) mo(n)tauban tous les proches parens concernant
tant ausd(its) her(itier)s que a lad(ite) dubosc et iceulx
faict assigner pour prendre la charge de
tutelle de la personne et biens desd(its) hoiers
ayant **lad(ite) dubosc** mere administre comme
tutesse desd(its) hoiers]desd[depuis le
deces de feu anthoine canazilles leur pere
et d aultant qu()elle **pretend se marier ne**
pouvant par ce moyen regir la personne
e(t) biens desd(its) here(tier)s elle auroict faict proceder
en lad(ite) court que **senten(ce)** s en seroict ensuyvie
[par] laquelle **led(it) dubosc** auroict este **condempne**

.....

a()prendre la charge de tutelle de la p[ersonne]
et biens desd(its) hoiers comme plus proche p[arent]
d iceux estant en degre d honcle maternel
de tant que led(it) dubosc est presen[t]
l a requis vouloir prendre la charge
suyvant le co(n)tenu de lad(ite) senten(ce) et d[e]
recepvoir ses comptes de sad(ite) administra(ti)on
de()la recepte que fourniture qu()elle a faict
rediger par escript dans ung livre de pap[ier]
couvert de parchemin que luy a este illec
exhibe po(ur) iceulx ouyr devant deux expertz
requerant que ausd(ites) fins que led(it) dubosc n[omme]
ung espert de son couste et lad(ite) dub[osc]
po(ur) soy nomme **pierre france merchant** du[dit]
mo(n)tauban po(ur) ouyr clorre et arrester [...]
comptes aulx fins qu()elle soict deschargee d[e ...]
administra(ti)on suyvant le co(n)tenu de()lad(ite) sen[tence]
et en reffus de ce a proteste co(n)tre led(it) dubo[sc]
de tous despens domaiges et interestz et [de]
tout ce qu()elle peult et doibt lequel du[bosc]

a respondu comme est couche en sa respon[se]
par luy escripte et signee qu()il a remise d[e]
teneur Je **guillaume dubosc** soubz(sig)ne respo[nds]
a guillaumette dubosc ma soeur tuteresse de jeh[an]
et ysac canazilles que je ne suis point a p(rese)nt hab[itant]
de mo(n)tauban ains que je fais **ma residan(ce)** en l[a]
ville de **bruniquel** ayant louee toute ma mais[on]
que j()ay en la p(rese)nt ville de mo(n)tauban comme est
vray et nothoire a cause de quoy ne puis ny ne
veulx accepter la charge de la tutelle des perso[nnes]

.....
et biens des enfens de()lad(ite) dubosc ma s(o)eur en
oultre que je suis appelant en la court de monsy(eu)r
le sen(ech)al de quercy siege de la p(rese)nt ville protestant
neaulmoings co(n)tre elle de tous depens domaiges et
interestz qui s en pourroient ensuyvre en foy de()quoy
ay escripte et signee la p(rese)nte a mo(n)tauban le xxie
mars mil vc soixante dix neuf / dubosc / ainsin signe
de quoy led(it) vachier procur(eur) susd(it) a perciste en
ses requi(siti)ons et protesta(ti)ons et requis a moy
not(aire) luy en retenir acte ce qu a este faict
en la presen(ce) de anthoine amely consierge
au ch(ate)au consular pierre martin dit barthe
chaussatier et blaize chemin sergent ordin(air)e dud(it)
mo(n)tauban soubz(sig)nes avec led(it) vachier procur(eur)
susd(it) et moy not(aire)

Amely

P. Martin

Vachier, requera(en)t
po(u)r la vefve

Vacquier, not(aire) r(oy)al